

«Terra nova»

Nov premi da la Fundaziun Schiller svizra
per ovras e traducziuns litteraras

■ (cp) Onurad(a)s vegnan: Auturas ed auturs che stattan a l'entschatta da lur carriera litterara. Els/Ellas vegnan onurad(a)s per in'ovra litterara persvadenta ed empermettenta en ina da las quatter linguas naziunalas da la Svizra. Traducturas e traducturs che han translata in'ovra litterara d'ina lingua naziunala en in'autra e che han rendì accessibla ed enconuschenta l'ovra d'in autur svizzer u d'ina autura svizra ad in publicum pli vast cun ina translaziun litterara d'auta qualitat.

En il rom da sia 109avla radunanza annuala ils 15 da mars 2014 a Berna ha il cussegl da fundaziun decidì d'onurar cun quest nov premi las suandantas persunas:

Terra nova. Litteratura (5000 francs)

– *Laurent Cennamo* per *Pierres que la mer a consumées* (Ed. Samizdat, 2013
Terra nova. Traducziuns litteraras (mintgamai 5000 francs):

– *Maurizia Balmelli* per la traducziun taliana da *Rapport aux bêtes* da Noëlle Revoz: *Cuore di bestia* (Keller editore, 2013)

– *Walter Rosselli* per la traducziun franzosa da *La Chasa veglia* da Oscar Peer: *La Vieille maison* (Éditions Plaisir de Lire, 2013)

La surdada dals premis ha lieu: Laurent Cennamo e Walter Rosselli durant il festival *Le livre sur les quais* a Morges, dals 5 als 7 da settember 2014 e Maurizia Balmelli durant il proxim *Babel: Festival di letteratura e traduzione*, ils 12 da settember 2014.